

hindkowanweekly@gmail.com

لے کے ناں میں سوہنترے رب داکراں کلام بیان (القرآن)

WEEKLY HINDKOWAN PESHAWAR

ہفت روزہ

بہار چنیف، اسلام آباد

محمد ضیاء الدین

پشاور

گندھارا ہندکو بورڈ سے تخت چھپر میں والا پہلا ہندکو ہفت روزہ اخبار

پاکستان دی ہند آریائی زبان ہندکو، پنجابی، گجراتی، گجری، سندھی، پہاڑی تے دیگر زبانوں دا اخبار

جلد: 6

بدھ 28 فروری 2024 (قیمت: 10 روپے)

شماره: 312

دوستی نبھانڑے دا تقاضا

ماہرین لسانیات دے مطابق پورے پاکستان اچ سترسی زیادہ زبانوں تے اُنوں دے لہجے بولے جانندین جتاں وچو صرف ساڈے صوبہ خیبر پختونخوا انوں ایہہ اعزاز حاصل اے کہ اس صوبے اچ تقریباً تیس مختلف زبانوں تے لہجے بولے جاندین تے وٹ اتاں تیس زبانوں تے لہجے آں وچ اس صوبے دی دوڈوڈیاں زبانوں وچ اچ پشوتو تے ہندکو شامل اے تے اِنوں دوواں زبانوں دی آپڑی آپڑی تاریخ تے ثقافت اے تے زبان چونکہ کسی بی قوم دی شناخت دا بڑا منفر دتے ہک اہم حوالہ ہوندا وے اس وے ضرورت اس امر دی اے کہ زبانوں دے فروغ وے دیانتداری تے لگن تال کم کیتا جاوے پہاڑیوں اوہ آپڑی زبان ہووے یا کسی دوسرے دی زبان ہووے کیونکہ کسی بی زبان دافروغ بنیادی طور تے انسانیت دافروغ اے کیونکہ کوئی بی زبان کسی ہک فرد یا صرف ہندے دی زبان نی ہوندی بلکہ اُس دے نال ہک انسانی تاریخ وابستہ ہوندی اے تے زبانوں دے فروغ دے حوالے نال ای ہی اہمیت نوں پیش نظر رکھدے ہونے گندھارا ہندکو بورڈ پاکستان گذشتہ تیس سالوں سی پیاکم کر دے تے ایہہ بورڈ اس دخت ہک ایسے ادارے دی حیثیت اختیار کر چکا وے کہ جس دی کاوشاں دا اعتراف قومی تے بین الاقوامی سطح تے ہک سٹیٹ آف دی آرٹ اکیڈمی دے طور تے مختلف موقر اداریاں، فورمز، پلیٹ فارمز تے شخصیات دی طرف سی کیتا جا چکا وے جیہڑے کہ اس گہل دا ثبوت اے کہ واقعی ایہہ ادارہ اس دخت پاکستان دی ہک سٹیٹ آف دی آرٹ اکیڈمی یا ادارہ وے تے اس کامیابی دی ہک وجہ ایہہ وے کہ گندھارا ہندکو بورڈ نے کدی بی کسی ہک زبان وے یا صرف ہندکو وے کم نی کیتا بلکہ پاکستان دی ساری زبانوں دے فروغ وے کوکشاں کیتیاں وچ تے اِنوں ساری کامیابیاں داسرہ اس ادارے دے روح رواں محمد ضیاء الدین ہونڈاں دے سرچھدے کہ جتاں دے بارچ ماہرین، محققین تے ناقدین دا ایہہ کھنڈاں وے کہ ایہہ ہک ایسا انسان اے کہ جیہڑا بغیر کسی لالچ دے صرف محبت تے پیار دا داعی بڑے پوری لگن نال صحیح معنی آں اچ پاکستانی زبانوں دی ترویج و ترقی وے پیاکم کر دے، لیکن افسوس دی گہل ایہہ وے کہ ساڈے پشور اچ گذشتہ ہک ہفتی مختلف زبانوں دی ترویج دافروغ وے دوستی پشاور لٹریچر ڈاٹ کام ہک فیسٹیول جاری اے تے اس فیسٹیول اچ در جتاں مختلف ادبی تے علمی سیشنز دا اہتمام کیتا گیا جتاں اچ ”ہک شام محمد ضیاء الدین دے نال“ بی سجائی گئی لیکن افسوس ایہہ وے کہ اُس شام اچ صرف اوہ وئی لوک شریک ہونین کہ جتاں نوں صرف گندھارا ہندکو بورڈ نے شرکت دی دعوت وئی آئی تے دوستی پشاور لٹریچر فیسٹیول والیاں دی طرف سی صرف اوہ وئی چند ہک لوک شریک محفل آئے کہ جیہڑے کہ انتظامیہ دے بندے آئے باقی سب خیر خیریت آئی نہ کوئی سٹوڈنٹ آیا تے نہ کوئی ہور مہمان وغیرہ تے اسی ایہہ سمجھے آں کہ اس فیسٹیول دا نام اگرچہ دوستی آیا برے اس دے باوجود ہندکو زبان دے نال اس دی دوستی دا حق ادائیگی کیتا بلکہ دوستی دے نام تے صرف خالی جگہ لوں پُر کیتا گیا وے کیوں کہ اسلام آباد سی اس سیشن وے خصوصی طور تے تشریف لے کے آنوے والے مہمان دی مہمان نوازی کرنے دا کم از کم ایہہ تقاضا نی ہوندا یا کیونکہ اس پورے فیسٹیول دے شیڈول اچ اگر سائون کوئی ہک نام محمد ضیاء الدین ہونڈاں دے مقابلہ اچ تادا پورے کہ جتاں نے پاکستانی زبانوں دی ترویج و ترقی وے اِنوں دے کماں جتنی مقدار تے معیار دا کم کیتا ہووے چا سندا تا ایہہ آیا کہ دوستی پشاور لٹریچر فیسٹیول دے منتظمین محمد ضیاء الدین ہونڈاں دے ہتھی کوئی فیتہ کٹواندے یا کسی سیشن دا آغاز یا افتتاح کرواندے اگرچہ ایہہ سب کچھ بی ممکن نی آیا تا کم از کم ایسے لوکاں دا سیشن کسی ایسی جگہ یا دخت اچ رکھا جندا کہ کم از کم تیس چالیس لوک تا ہوندے تے ہک افسوس ایہہ بی اے کہ گذشتہ سال اسی دوستی پشاور لٹریچر فیسٹیول دے تحت ہندکو زبان دے حوالے نال چھ سیشن رکھے گئے اے جد کہ اس دفعہ دو سیشن تاساڈی دوستی پشاور لٹریچر فیسٹیول والیاں دے منتظمین سی ایہہ گزارش اے کہ آئندہ برس اگر کسی اس دادو بارہ اہتمام کرو تا کم از کم اِنوں پہاڑیوں کسی میرٹ دی بنیاد تے کسی شخص یا ادارے دی خدمات دا اعتراف نہ کرو برے اتنا ضرور کرو کہ اُنوں لوکاں نال رابطہ ضرور رکھو تا کہ جیہڑے بغیر کسی لالچ و غرض دے محض زبانوں دی ترویج و ترقی وے کوکشاں وچ تے اُس دور سی زبانوں دی ترویج و ترقی وے پے بچھتی تے امن دے حصول وے پے کم کر دین کہ جس دوران اچ اس صوبے اچ پاکستانی زبانوں دی ترویج وے کم کرنے والے کوئی ادارہ بی نی آیا تے اسی دوستی پشاور لٹریچر فیسٹیول والیاں نوں ایہہ بی کہہ سی ایں کہ اوہ ساڈے اس تجزیاتی ادارے یوں سامنڑے رکھ کے جائزہ لے لے وچ تے مزید اگر کوئی ساڈا ان پٹ لہجواں چاہوں تا اسی ہر صورت اچ حاضر آں۔